



Erasmus+

**Fakultet za kriminalistiku, kriminologiju i sigurnosne studije
objavljuje**

KONKURS

**Erasmus+: program mobilnosti nastavnom osoblju Fakulteta za
kriminalistiku, kriminologiju i sigurnosne studije koje odlazi na
mobilnost na Veleučilište Velika Gorica u svrhu održavanja nastave
za projekat: 2015-1HR01-KA107-012931**

OPĆI DIO

Cilj boravka u inozemstvu je stjecanje novih iskustava u području obrazovanja, jezika i kulture, izgradnja visoko kvalificiranog, stručnog kadra s međunarodnim iskustvom u obrazovanju te promocija suradnje među visokim učilištima i njihova internacionalizacija.

Mobilnost u sklopu programa Erasmus+ može se ostvariti:
za projekat 2015-1HR01-KA107-012931 od 18. decembra 2016. do 22. decembra 2016.
u svrhu poučavanja na partnerskoj visokoškolskoj ustanovi (nastavno osoblje), u skladu sa
potpisanim bilateralnim ugovorom – 1 (jedna) mobilnost u zimskom semestru akademske
2016/2017. godine

Svrha konkursa

Nastavno osoblje može se prijaviti za mobilnost u svrhu:

- Poučavanja (nastavno osoblje) na nastavnim oblastima „Krizni menadžment“ ili „Sigurnosni menadžment“

Mobilnost u svrhu poučavanja mora trajati najmanje dva (2) dana odnosno najmanje 8 sati nastave. Preporučuje se trajanje aktivnosti poučavanja od 5 dana kako bi korisnik mogao dati doprinos nastavnom programu i međunarodnom akademskom životu na partnerskoj ustanovi.

Započeta aktivnost mora se održati u kontinuitetu te se ne može prekidati, osim ako za to postoje objektivni razlozi.

Formalni kriteriji

Na konkurs se može prijaviti nastavno osoblje Fakulteta za kriminalistiku, kriminologiju i sigurnosne studije:

- Akademsko osoblje u radnom odnosu u svim nastavno-naučnim zvanjima, kao i osoblje u saradničkim zvanjima asistenta ili višeg asistenta



Finansijska potpora

Veleučilište Velika Gorica će finansirati mobilnost u trajanju do najviše 7 dana (uključuje dane putovanja).

Nastavno osoblje s invaliditetom ima pravo na uvećani iznos finansijske potpore, ovisno o stupnju invaliditeta. Prijavi je potrebno priložiti potvrdu ovlaštene ustanove iz koje se vidi stupanj invaliditeta.

Osoblje ne može dobiti finansijsku potporu u okviru programa Erasmus+ ukoliko će njihov boravak u inozemstvu biti paralelno financiran iz drugih sredstava koja potječu iz Europske unije.

Odabir kandidata i objava rezultata

Odabir kandidata provest će Komisija za odabir kandidata na Fakultetu za kriminalistiku, kriminologiju i sigurnosne studije.

Prednost za dodjelu finansijske potpore imat će kandidati koji odlaze na prvu mobilnost u okviru programa Erasmus i Erasmus+ te koji još nisu primili finansijsku potporu u okviru programa Erasmus i Erasmus+.

Prijavljeni kandidati ocjenjivat će se i prema sljedećim kriterijima:

1. kvaliteta nastavnog plana/plana rada
2. dužina boravka u skladu s opsegom aktivnosti
3. način diseminacije iskustva po povratku na matičnu ustanovu

Rezultati će biti objavljeni na službenim internetskim stranicama Fakulteta za kriminalistiku, kriminologiju i sigurnosne studije po završetku Konkursa. Izabrani kandidat bit će obaviješten o rezultatima putem elektronske pošte.

Izabran kandidat sklopit će sa Veleučilištem Velika Gorica Ugovor o finansijskoj potpori u svrhu boravka na inozemnoj ustanovi.



Prijava na Konkurs

Prijavu sačinjavaju sljedeći dokumenti:

- prijavni obrazac (vlastoručno potpisan)
- motivacijsko pismo u kojem su opisani opći ciljevi mobilnosti, dodana vrijednost mobilnosti te očekivani ishod i učinak mobilnosti
- ispunjen i potpisan obrazac za prijavu mobilnosti u svrhu održavanja nastave -
– dokument Staff Mobility for Teaching_Mobility Agreement u prilogu ovog konkursa
- biografija na B/H/S ili engleskom jeziku (poželjno na Europass obrascu)
- potpisana saglasnost dekana/prodekana za nastavu za odsustvo kandidata s radnog mjesta za vrijeme planirane mobilnosti.

Prijava se dostavlja u printanom obliku Erasmus koordinatorskom (Ermina Bakić) i elektronskom obliku na ebakic@fkn.unsa.ba

Rok za prijavu je 09. decembar 2016. godine.

Prijavom na Konkurs kandidat pristaje da se njegovo ime i podaci vezani uz željenu mobilnost javno objave u rezultatima Konkursa.

Prilozi:

1. Prijavni obrazac
2. Staff Mobility for Teaching_Mobility Agreement